



Broj: 05/06-19-53704-28/25-41
Sarajevo, 01.12.2025. godine

KANTON SARAJEVO
SKUPŠTINA KANTONA SARAJEVO
N/r Predsjedavajućeg Skupštine

Predmet: Odgovor na zastupničko pitanje zastupnice Admele Hodžić– dostavlja se
Veza: Akt Skupštine Kantona Sarajevo broj: 01-04-53704-28/05 od 14.11.2025.
godine

Dana 20.11.2025. godine Ministarstvo komunalne privrede, infrastrukture, prostornog uređenja, građenja i zaštite okoliša zaprimilo je od strane Skupštine Kantona Sarajevo zastupničko pitanje zastupnice Admele Hodžić koja je na 26. radnoj sjednici Skupštine Kantona Sarajevo, održanoj dana 14.11.2025. godine u skladu sa članom 211. i 214. Poslovnika Skupštine Kantona Sarajevo postavila zastupničko pitanje koje glasi:

„Na osnovu člana 211. Poslovnika Skupštine Kantona Sarajevo („Službene novine Kantona Sarajevo“, broj 41/12-drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), upućujem zastupničko pitanje Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo, kada će korisnicima subvencija po Javnom pozivu za subvencioniranje rješavanja stambenog pitanja mladih iz 2023. godine, biti raspisan Javni poziv za doplatu razlike sredstava prema Zakonu o doplati novčanih sredstava korisnicima subvencije po Javnom pozivu za subvencioniranje rješavanja stambenog pitanja mladih za 2023. godinu – skraćeni postupak, usvojen 15. oktobra, a objavljen u "Službenim novinama Kantona Sarajevo", 23. oktobra 2025. godine, koji je stupio na snagu 31.10.2025. godine.”

ODGOVOR:

Vezano za dostavljeno zastupničko pitanje obavještavamo Vas da je Ministarstvo komunalne privrede, infrastrukture, prostornog uređenja, građenja i zaštite okoliša u skladu sa članom 3. stav (2) Zakona o doplati novčanih sredstava korisnicima subvencije po Javnom pozivu za subvencioniranje rješavanja stambenog pitanja mladih za 2023. godinu (“Službene novine Kantona Sarajevo” broj: 42/25) sačinilo Pravilnik o vrsti, sadržaju i načinu dostavljanja dokumentacije potrebne za realizaciju doplate novčanih sredstava korisnicima subvencije po

Javnom pozivu za subvencioniranje rješavanja stambenog pitanja mladih za 2023. godinu broj: 05-19-52830-5/25 od 20.11.2025. godine. Navedenim Pravilnikom propisana je dokumentacija koju su kandidati obavezni dostaviti.

Nakon donošenja naprijed navedenog pravilnika ovo Ministarstvo je dana 26.11.2025. godine, na svojoj internet stranici i dnevnom listu "Dnevni avaz" objavilo Obavještenje broj: od 24.11.2025. godine. Postupak prikupljanja potrebne dokumentacije je u toku.

PRILOG: Obavještenje broj: 05/06-19-52830-6/25
od 24.11.2025. godine

S poštovanjem,



Dostaviti:

1. Predsjedavajući Skupštine Kantona Sarajevo
2. Služba za skupštinske poslove + CD
3. Sekretar Vlade Kantona Sarajevo
4. Evidencija



Broj: 05/06-19-52830-6/25
Sarajevo, 24. M. 2025. godine

Na osnovu člana 3. stav (1) Zakona o doplati novčanih sredstava korisnicima subvencije po Javnom pozivu za subvencioniranje rješavanja stambenog pitanja mladih za 2023. godinu ("Službene novine Kantona Sarajevo" broj: 42/25) Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo izdaje

OBAVJEŠTENJE

Obavještavaju se kandidati sa konačne liste reda prvenstva za subvencioniranje rješavanja stambenog pitanja mladih kojima je isplaćena subvencija za 2023. godinu, da su obavezni u roku od 20 dana od dana objavljivanja ovog obavještenja dostaviti:

- Izvod iz zemljišne knjige kao dokaz da kandidat nije otuđio stan ili kuću koja je predmet kupoprodajnog ugovora, odnosno stan ili kuću koji su predmet gradnje;
- CIPS prijavu prebivališta kao dokaz da kandidat nije promijenio mjesto prebivališta van područja Kantona Sarajevo.
- Ukoliko nije izvršen upis prava vlasništva kandidat je dužan dostaviti potvrdu nadležnog suda o podnesenom zahtjevu za upis prava vlasništva za nekretninu ili potvrdu nadležnog organa o podnesenom zahtjevu za plaćanje poreza na nekretninu ili potvrdu investitora da nije završena izgradnja nekretnine.
- Kandidat koji je zatvorio transakcijski račun na koji je izvršena uplata sredstava za subvencioniranje rješavanja stambenog pitanja mladih dužan je dostaviti potvrdu banke o transakcijskom računu na koji će se izvršiti doplata sredstava po Javnom pozivu.

Naprijed navedeni dokumenti dostavljaju se u originalu ili ovjerenoj fotokopiji i ne smiju biti stariji od 30 dana od dana dostavljanja dokumentacije.

Traženu dokumentaciju potrebno je dostaviti na adresu Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, ulica Reisa Džemaludina Čauševića broj 1, Sarajevo, lično na protokol Kantona Sarajevo ili putem pošte preporučeno.



MINISTAR

Enaden Pandurević



